

**04 Machs nomol** ft. Stupid & Andrina Bollinger

Musik: Oliver Herzog, Manuel Wülser, DJ CUToo  
Text: Flare, Turescht, Stupid, Tobias Jensen  
Vocals: Andrina Bollinger

**1. Part, Flare:**

mir hätted nüt z verlüüre, doch so viel zwiifel  
so viel ängscht erschwäred hüüfig logisch z bliibe  
logisch z'handle, alles ganz z'erfasse  
liechter abstand z'ha, und us distanz z betrachte  
riis blockade mit oder machs wie viel  
bou en panzer um dich, gseh nur schwarz und wiis  
doch dänn glücklich z'sii isch nur fantasie  
oder phalt en platz am liecht und mach dis ding  
bliib positiv, egal was chunnt  
stürzisch, stohsch halt uf und machschs nomol  
mir händ nüt z'verlüüre, dä einzig fähler  
isch sich zruggznäh, sich sälber gränze z'setze  
meischtens besser, über dä schatte z'springe  
zögge und all dä shit, nid nötig, was wennd stürzisch  
machs nomol, sich fürchte entstoht im hirn  
d hürdene falled, wennmer die hürdene gar nid will

**Hook, Andrina Bollinger:**

**if you knew, if you knew that you could turn back the time  
would you do it all again?  
what if you, what if you'd let your story rewind  
would you do it all again?  
would you do it all again?  
Ooh-ooh-ooh  
would you do it all again?  
would you do it all again?  
Ooh-ooh-ooh  
let's do it all again!**

**04 Machs nomol** ft. Stupid & Andrina Bollinger

Musik: Oliver Herzog, Manuel Wülser, DJ CUToo  
Text: Flare, Turescht, Stupid, Tobias Jensen  
Vocals: Andrina Bollinger

**2. Part, Turescht:**

gedanke ufs blatt mit bluet ide tinte  
min pfd i d'schlacht mit muetige chrieger  
bring buesse für sünder, fueter für flinte  
schaffs vom bürger zum gott vom dunkle is liecht  
de schatte als spiegel vom geischt  
s'ziel nid erreicht will de wille entzweit  
d'wohrheit e klinge is fleisch  
durchdringt d'schale, schniit s'innere weich  
erstick d'flamme vom friede im keim  
will d'ussicht zurziit no kei linderig zeigt  
us innerem chreis - spriessed chinder im geischt  
im ahgsicht vom chaos für immer vereint  
d'stilli verseit, schrei schüred lähmende hass  
nur d'scherbe am hals setzt dem frevel en halt  
vertrauts würkt fad für träge verstand  
loh d'ziit walte, zieh die seele in bann, chum!

**Hook****3. Part, Stupid:**

wiene chlätterpflanze hami ad wand gchrallt  
doch d'fassade verfallt grad  
all vergangne gedanke versande en nacht lang  
verwache am afang, gfrage im karma  
glaub ad räubergschicht vo ufbruch und Neubeginn  
well ich vo huus us en träumer be  
freue mi, wenn de wunsch wie noodle imne huufe heu verschwindt  
bevor de brutus zum meuchler wird  
i mer inne no immer es chind ziitglich quasi scho tot  
sägmer jedes mol ich spele ned mit  
doch immer wenni wott en strich drunder zieh verbricht mer de stift  
ergendwenn ergit sich en sinn  
bis denn sitzi wiene blinde am fänschter  
immer wenss rägnet molt de pinsel vo sälber  
be täter und opfer, richter und hänker  
und griff nach de stärke bis mer d'finger verbränne

**Hook**